

# 故宮週刊

培基



(一之像賢先聖至殿肅南) 像 壽 子 閔



## 漢譯滿洲老檔拾零(續)

太祖諭督堂衙門 天命六年五月

二十七日巡閱遼河以東歸降諸部、是日駐蹕鞍山堡、傳諭督堂衙門曰、投毒入井之漢人、宜詳加研訊、虛則釋之、實則殺之、惟不許我滿洲之人監斬、恐謠傳我屠降人也、研訊得實、可交八旗遊擊、妥為辦理、

太祖諭海州參將 天命六年五月

二十九日自海州啓蹕駐於莫家堡之野、上諭海州參將曰、海州城年久失修、頹敗甚多、城中木架亦多損壞、可加意趕修、並照遼瀋二城之法、設桶車火器於城外壕內、若無桶車火器可至遼陽領取、守衛既堅、可勿煩吾添派守兵也、又城中既有投毒之人、嗣後汲飲井水務宜謹慎、家中宜多派心腹看守、並命爾叔愛塔相助為理、於是……(原缺)……

太祖諭督堂等 天命六年六月初八日

諭督堂等曰、該員等所議職責獻器者之言、甚合朕意、夫遼河以東降人既已歸我、則河西漢人已經視如仇讐、若我又加字畜、若輩將何以圖存、嗣後又誰肯展其所長、為我効力哉、人無貴賤、祇須忠誠歸我、盡心圖報、即宜從優獎賞、其嫻視嫻行、惟以納賄取情為能事者、及出身顯宦、而袖手旁觀、不肯効力者、皆國之蠹也、身雖貴顯於國奚補、至於一介庶民、幸逃死於戰陣之間、身無寸長、重蒙我養養之恩、而乃不知感恩圖報、反屢出奸謀、投毒害我、甚者欺壓良民、獻媚明國、此等奸人、宜在人人得誅之列、倘有指名出首者、賜以官職、不願為官、即沒收所控奸人財產賜之、庶善惡昭然、勸懲悉當矣、自蓋州護送大金天惠帝所鑄古鐘來京之夫役、授以備衛之職、不自西木城地方造獻綠瓷盤盞之鄉民、授以守備之職、並賞銀二十兩、

滿堡城 天命六年六月

二十一日遣往朝鮮之使臣索龍武選、以朝鮮王之言覆命曰、嗣後二國有事、可仍會議於滿堡城、使命往來亦以滿堡為交代之所、

貝勒家舊奴斯

天命六年七月

諭曰凡爾諸貝勒家、所蓄奴斯、宜乘幼時宮之、則其父母可因其子而獲富貴、不然、奴斯既長、往往與府中婦女私通、事覺必死、則姑息之愛、適以害之也、

托蘭等地收穫田禾條例

天命六年七月

初十日自舊山崗以外、托蘭、扎勒塔庫、伊瑪湖、蘇完、雅爾湖、一帶之糧、令蒙古人穫之、自舊山崗以內、磐石、尙間崖、門嶺、一帶之糧、令舊地主穫之、自英額木虎曼羅以內、險谷一帶之糧、令蒙古人穫之、自險谷以內磐石尙間崖門嶺一帶之糧、令舊地主穫之、其法納哈保柴河堡之糧、亦仍令舊地主穫之、穫糧時先記明斗斛之數、然後入倉、(本段完)

## 繪事雜錄(續)

明詹景鳳東圖玄覽(續)

子大家王摩詰山水一絹軸、闊尺六七寸、長幾四尺、絹粗而密、作重山疊嶂、茂木叢林、帶以清溪野渚、重樓曲欄、幾盈一幅、皴小披麻兼雨點、其行筆率用刮鐵、較常所見宋范寬鉅山石法殊相類、但此行筆細而密、寬乃粗而密耳、要其致趣一也、山石用筆高古沉着、而色蒼然、殆是以老人雅、至其寫林木枝葉、若點綴、若勾勒、則尖細而妙、又是以嫩入雅、如出二手、樓屋法李昭道、亦極精細、布景亦與今畫不甚相遠、乃法與意則大異、今人筆與意俱高、非宋末代作者可輕易望、其山間屋宇不作一人物、惟于溪上、一人乘小艇、自在中流、意致可想也、色淺綠、山石以靛、花少加紫綠、淡淡籠罩、無款亦無題字、原出朱鑑庵、鑑庵于卷外手題為王維、憶相傳是如此、

(接第三版)



套印宋黃庭堅書松風閣詩

宣紙壹元二角 高麗紙二元

套印元趙孟頫蘭華秋色卷

乾隆高麗紙四元五角


宣紙三元五角

上海發售處

上海棋盤街潤源路口利利公司  
文藝部

清 雍正 耕 織 圖 之 一 (插秧)

物產常豐種  
農人咸插田  
候成以整  
入望新子  
公柳花年陌  
黃梅子熟天  
一鄉子以通  
長日愛此年  
插秧



孤本名劇

鼎峙春秋(續)

第一百二十九齣 救主大戰

(續)

「又一體」嗚呼吁流不盡的血淚、汗  
津津早渴透的羅袂、虛飄飄按不定的  
驚魂、很悠悠叫不應的天和地、遭禍  
危殆幾受顛沛、尋思難得全生計、  
恨其苦命娘兒眼前撇離、(合)凄其怯  
生生步難怎移端柁、悶沉沉此暫依、  
(曲盡上)夫人在那裏阿呀、(唱)

故宮匾額之七十三

(厚綏聯題)




「鎮南枝」全家在我、護持兵戈簇簇  
四下起、曹將亂奔馳、夫人在何處、  
(合)不測禍人怎期、(甘氏哭科唱雲唱)聽  
得哀哭聲、未知是不是、(白)缺牆裏  
面有人啼哭、待我下馬看來、呀果然  
是甘夫人、(甘夫人白)呀、原來是趙將  
軍、可見糜夫人麼、(趙雲白)糜夫人已  
見了、小將差糜竺、送到主公那裏去  
了、小將因不見幼主與夫人、為此  
又轉來尋取、呀、夫人受驚了、(甘夫  
人白)我被曹兵追殺、左股中了一箭、  
箭頭尚在肉內、少刻無人來救、我母  
子同死必矣、(重雲白)小將有失救護、  
多多有罪、夫人抱了小主、快請上馬  
、小將步行死戰、保夫人殺出重圍、  
(甘夫人白)奴家得見將軍、(接第四版)

李伯時蓮社圖一軸、有徽廟簽頭、亦子大家藏、蓋秀雅之極致、後世難爲、作者嘗謂、畫家從唐至伯時良是一變、蓋去渾拙而冲逸也、至南宋畫院又一變、蓋去冲逸而精奇也、至元四家又一變、浸假而率易、彼已厭精奇、欲脫而高曠不知乃益于此、前代沉雄深鬱之遺、遂于茲而盡、近世纖弱浮薄之態、遂于茲而起、故吾原古法所自失必曰伯時、猶詩家有子建、而漢古遂以變改、亦時代使之然耳、伯時此圖、精細密幾如紙、廣幾二尺、高三尺有奇、人物長短二寸許、衣履鐵線描、背用淡粉襯樹木、高松古柏垂槐衰柳都有、然但以墨描樹身與枝、而葉則直用苦綠點綴纔油、要取意高華通、不甚繁密、(本段未完)



敬 告 同 業

敬 告 同 業



A black and white photograph of a traditional Chinese wooden door. The door has a central panel with a relief carving of a figure, possibly a deity or a historical figure, standing and holding a staff. To the left of the figure is a vertical inscription in Chinese characters. The door is set within a dark frame, and the overall image is high-contrast, emphasizing the textures and carvings.

敬 告 同 業

敬 告 同 業

敬 告 同 業



敬 告 同 業



敬 告 同 業

敬 告 同 業



敬 告 同 業

敬 告 同 業



敬 告 同 業